



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

XXII. Die Markgrafen Otto und Woldemar verschreiben der Stadt Prenzlau durch verbürgten Vertrag verschiedene Rechte, am 29. August 1305.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

XXI. Heinrich, Bischof von Camin, ertheilt für den Altar des heiligen Kreuzes in der Marienkirche zu Prenzlau einen Ablass, am 18. October 1304.

Henricus, dei gratia Caminenfis Ecclesie Episcopus, vniverfis presentia visuris salutem in omnium Salvatore. Cupientes Christi populum Domino reddere salutarem uel acceptabilem ipsumque nostris indulgentiis, quasi quibusdam muneribus allectiuis ad diuinum officium et ad caritatis opera invitare; Hinc est, quod nos de omnipotentis dei confisi misericordia omnibus vere penitentibus et confessis, qui in altari Sancte crucis in ecclesia Sancte Marie in Primzlua constituto, quod quidem nos diuina nobis cooperante clementia in honorem ejusdem sancte et victoriosissime crucis consecravimus, in festis subscriptis, scilicet nativitatis Cristi, Pasche et pentecostes, necnon in die Patroni et die dedicationis ipsius altaris missarum solemnia celebrari cum devotione audierint, quadraginta dies indulgentie misericorditer in domino relaxamus. In horum singulorum evidentiam firmiorem presentem literam nostro sigillo fecimus communi. Datum Anno domini M^o. CCC^o. quarto, in die sancti Luce Evangeliste.

Aus einem Corialbuche.

XXII. Die Markgrafen Otto und Woldemar verschreiben der Stadt Prenzlau durch verbürgten Vertrag verschiedene Rechte, am 29. August 1305.

In Nomine sancte Trinitatis et indiuidue Unitatis Amen. Otto et Woldemarus, dei gratia Brandenburgenses, Lufatie et de Landesberch Marchiones, vniverfis Cristi fidelibus presentes literas inspecturis seu audituris in perpetuum. Cum multotiens actus legitimi, rite et rationabiliter facti, propter diversos casus, qui humanis rebus incidunt, immutantur, expedit, ut linguis testium idoneis et literis auctenticis solidentur, ne oblivione sive fluxu temporis evanescant, vel malignorum astutia varientur. Recognoscimus igitur coram vniuersis Cristi fidelibus tam presentis temporis, quam futuri, presenti pagina publice protestantes, quod fidelium nostrorum civium in Premslavia obsequia assidua et fidelitatem eorundem piis desiderii intuentes, nostrorumque Prudentum consilio maturo prehabito, ipsis donavimus pio affectu subscriptam libertatem, perpetuis temporibus inuolabiliter duraturam, ita quod dicte civitatis Burgenfes pro omni exactione vel confagittatione aut depecuniatione, quocumque nomine censeantur, nobis dabunt singulis annis centum marcas et non plus duobus terminis sive diebus, ad hoc specialiter deputatis, videlicet in festo beati Martini quinquaginta Marcas Brandenburgensis argenti ponderis et Monete: In festo vero sancte Walburgis quinquaginta Marcas ejusdem monete et ponderis, nobis similiter erogabunt. Addicimus etiam quod omnes libertates sive Privilegia, a nostris predecessoribus sive a nobis donata dictis Burgenfibus, per istam nostram novam donationem non debent aliquatenus diminui vel mutari, sed manere debent penitus inconcussa. Item prefectus dicte nostre Civitatis iudicabit omnes excessus, qui perpetrantur in pre-taxata Civitate et extra vel in metis, que Marfcheyde vulgariter appellantur, que ad civitatem per-

tinent prenotatam. Nolumus etiam ut hujusmodi Excessus per nos vel per Nostros Advocatos, aut per nostros Officiales quoscunque aliquatenus judicentur. Preterea statuimus in perpetuum observandum, quod in molendinis adiacentibus sepe dicte Civitati Matta ferrea vel cuprea habeatur, in qua nequaquam annona de cetero cumuletur, sed cumulus cum ferreo instrumento integraliter deponatur, quo deposito sedecim Matte mensurate tenebunt unius modii quantitatem. Item si aliqua guerra aut periculum nobis incumberet, quod deus avertat, dicte Civitatis Burgenfes Nobis ad aliquam expeditionem sive Reysam nulla obsequia ministrabunt, Nisi possint eodem die, qua exeunt, redire ad dictam Civitatem. Nec debent ulterius procedere, nec aliquo gravamine amplius molestari. Item si nos sepe dictam Civitatem vendere aut obligare contigerit, quod absit, is cui premissam civitatem dimiserimus, premissis civibus promittet, fide data, omnia Privilegia predonata et libertates prehabitas immutabiliter observare et hoc suis privilegiis confirmabit. Hec omnia premissa, sine omni dolo observari pro nobis ac pro nostris successoribus universis promittimus fide data. Una enim nobiscum fidentius compromittunt nostri fideles, scilicet Johannes Romel, Ludolphus senior de Wedel, Hynricus de Stegelitz, nostre curie Dapifer, Henningus et Anselmus, fratres dicti de Blanckenburch, Henningus de Stegelitz et Berteramus, Theodoricus de Kerckow, Henningus Grifco, filius Domini Godezkini de Grifemberch, Wedege de Wedele, Hasso de Wedele, Henningus de Eyckstede, Fridericus et Thydericus, fratres dicti de Eyckstede, Heydenricus de Bentz, Bertramus de Benitz, Syfridus Semuck, sabellus de Badelo, Henningus de Bentz, residens in Arnse, Henningus de Bentz, residens in Coselow, Otto de Holttendorp, Marscalcus, et Nicolaus Saac, milites, Redingus, Marscalcus, et Theodoricus junior de Kerkow, armigeri. Mortuo vero uno predictorum fidejussorum nostrorum, nos infra mensem, postquam a dictis Burgenfibus moniti fuerimus, alium fidejussorem loco mortui statuemus, quemcunque de nostris Vassallis dicte civitatis Burgenfes duxerint eligendum. Et si aliquis articulus de premissis omnibus per nos vel per nostros successores infringereetur, ex tunc predicti nostri milites, qui dictam libertatem nobiscum compromiserunt, sive alii, qui ipsis in promissione succedunt, dictam civitatem intrabunt, inde non exituri, donec ille articulus sive injuria penitus reformetur. Ad majorem enim evidentiam et cautelam omnes nostri compromissores hanc nostram donationem confirmabunt literis, suorum sigillorum munimine communitis. Pro donatione quidem hujusmodi libertatis dicti Burgenfes nobis dederunt septingentas Marcas argenti Brandenburgensis ponderis et monete. Ut igitur noster contractus sive donatio tam a nobis, quam a nostris successoribus ratus permaneat et inconcussus, presentes literas super eo confectas nostrorum sigillorum appensionibus iussimus consignari. Actum et datum Anno Domini M^o. CCC^o. quinto in Werbelino, in die beate decollationis sancti Johannis Baptiste, per manus Gherardi, nostre curie Notarii, et placitatum per viros discretos infra scriptos, quorum nomina sunt hec: Thydemannus de Rudow, Henricus de Bismarck, Zabelo, institor, Thydekinus de Crevese, Sivikinus de Landin, Segherus de Angermundis, Luderus de Cranicpul, Thidekinus de Angermundis, Segherus Buck et Bruno, pellifex, Consules hujus anni, Menso, prefectus, Martinus de Crevese, Gherardus de Angermundis, Henricus de Bertkow et Wilhelmus de Gotow, Burgenfes predictae Civitatis.

Nach dem Copialbuche der Bresl. Bibl. J. F. 31, Blatt 27-32. Buchholz Gesch. Th. IV., Urk.-Anh. S. 154.